



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-050-6/23**

Datum: **07.04.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „DIDOVIĆ“ d.o.o. Bosanski Petrovac za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona, izgrađenog u naselju Didovići, općina Bosanski Petrovac na osnovu člana 139. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „DIDOVIĆ“ d.o.o. Bosanski Petrovac za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona, izgrađenog u naselju, općina Bosanski Petrovac, na k.č. 53/59-8, K.O. Petrovac, općina Bosanski Petrovac.
2. Ova vodna dozvola se odnosi isključivo na ispuštanje otpadnih voda sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Unsko-Sanskog kantona u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
- 3 Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
 - 3.1 Da korisnik izgrađenih objekata i instalirane opreme koji se koriste za proizvodnju betona, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2 Da u toku važenja ovog Rješenja, izradi i revidira investiciono-tehnička dokumentaciju, urađena na razini Glavnog projekta kao i svi objekti za prikupljanje, prečišćavanje i ispuštanje otpadnih voda koje nastaju na predmetnom lokalitetu i objektu (tehnološke onečišćene vode nastale u procesu otprašivanja, pranja strojeva i opreme, sanitarno-fekalne i oborinske onečišćene vode) u definirani recipijent, a sve u skladu s Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20) .
 - 3.3 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za proizvodnju betona nesmetano sakupljaju i odvođe do objekata predviđenih za tretman otpadnih voda-sustava taložnika nakon čega će se prečišćene vode sustavom recirkulacije ponovo koristiti u procesu proizvodnje, a istaloženi materijal koristiti kao sirovina za izradu tampona ili svježeg betona.
 - 3.4 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5 Čišćenje strojeva vršiti isključivo na betonskoj podlozi s izvedenim sustavom odvodnje prema taložnicima.

- 3.6 Da se sa opasnim i štetnim materijama (aditivi betonu, i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.7 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.8 Talog iz taložnika se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.9 U cjelokupnom kompleksu „DIDOVIĆ“ koji se koristi za skladištenje, separaciju kamenog agregata kao i proizvodnju svježeg betona zabranjuje se pretakanje nafte i naftnih derivata u bilo kom obliku i namjeni.
- 3.10 Za vrijeme trajanja ovog rješenja ishoditi okolinsku dozvolu od nadležne institucije za cijeli kompleks „Didović“.
- 3.11 Ne dozvoljava se bilo kakvo ispuštanje kako tehnoloških otpadnih voda od pranja opreme i postrojenja za proizvodnju betona, tako i oborinskih onečišćenih voda koje nastaju na radno – manipulativnim površinama, iste prikupljati u postojećem taložniku i nakon bistrenja vraćati u proces proizvodnje betona. Ovaj postupak zadržati dok se ne ispune uvjeti propisani točkom 3.2 ovog Rješenja.
- 3.12 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 4 Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
- 5 U periodu važenja ove dozvole, „DIDOVIĆ“ d.o.o. Bosanski Petrovac je dužan provoditi sve mjere i aktivnosti propisane istom.
- 6 U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
- 7 Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
- 8 Ova vodna dozvola, shodno članu 129. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godine od dana pravosnažnosti rješenja.
- 9 Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

- 10 Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Investitor, „DIDOVIĆ“ d.o.o. Bosanski Petrovac obratio se ovoj Agenciji sa zahtjevom za izdavanje vodne dozvole za aktivnosti koje mogu imati specifične uticaje na vode, a odnose se na proizvodnju betona na lokalitetu Didovići, općina Bosanski Petrovac, izrađenog na k.č. 53/59-8, K.O. Petrovac, općina Bosanski Petrovac.

Uz zahtjev je dostavljena slijedeća dokumentacija:

- Rješenje o registraciji br. 017-0-Reg-22-000264 od 15.04.2022. godine izdato od strane Općinskog suda u Bihaću;
- Uvjerenje o poreznoj registraciji od 15.06.2011. godine izdato od strane Porezne uprave Unsko-Sanskog Kantona;
- Uvjerenje o registraciji / upisu u Jedinstveni registar obveznika indirektnih poreza br. 04/1-17-1-35-306-18/11 od 13.06.2011.god.;
- Odobrenje za uporabu br.04-23-243-UP-1/10 od 05.10.2010. god. izdato od Službe za prostorno uređenje, katastar, imovinsko-pravne poslove i stambeno komunalne djelatnosti, općine Bosanski Petrovac;
- Glavni projekt betonare izrađen od MAGIS d.o.o. Bihać, iz 1/2008.;
- Ugovor o pružanju i naplati komunalnih usluga br 72/2012., od 20.03.2012..
- Uplatnice administrativne takse i
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-050-5/23 od 06.04.2023. na kome je konstatirano sljedeće:

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

Postrojenje za proizvodnju betona nalazi se u naselju Didovići, na k.č. 53/59-8, K.O. Petrovac, općina Bosanski Petrovac.

Sastavne komponente su: postrojenje za proizvodnju betona sa dozatorima kapaciteta 8 m³/h, trokomorni taložnik s ugrađenom crpkom za proces recirkulacije, postrojenja za separaciju i manipulativnog prostora (koji nije presvučen vodonepropusnom podlogom) na kome se skladišti agregat i koji se koristi za unutarnji transport.

Postrojenje za proizvodnju betona je postavljeno na vodonepropusnoj, betonskoj podlozi s ugrađenim sustavom za prikupljanje voda koji onečišćene vode odvodi do trokomornog taložnika iz kojeg se prečišćena voda vraća u proces proizvodnje kao i istaloženi materijal.

Vodoopskrba se vrši iz gradskog vodovoda kojim gospodari JKP „KOMUNALNO“ d.o.o. Bosanski Petrovac.

Na lokalitetu gdje je izrađeno postrojenje za proizvodnju betona ne vrši se pretakanje goriva jer se isto vrši na obližnjoj, komercijalnoj benzinskoj crpki.

Sanitarno fekalne vode, preko interne kanalizacione mreže, se upuštaju u vodonepropusnu, trokomornu septičku jamu koju prazni JKP „KOMUNALNO“ d.o.o. Bosanski Petrovac.

Na lokalitetu na kome se nalazi postrojenje, nije vršen monitoring otpadnih voda.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „DIDOVIĆ“ d.o.o. B.Petrovac, redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „DIDOVIĆ“ d.o.o. B.Petrovac, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13). Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obradivač akta:

Marko Barić, dipl.inž.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ

Dostaviti:

- „DIDOVIĆ“ d.o.o. B.Petrovac, Hamdije Pozderca bb, B.Petrovac
- AVP Sava, ISV-vodna knjiga
- ☒ Org.jed. 40 – arhiva
- Org.jed. 50
- Oglasna ploča AVP Sava